

QVÆSTIO MEDICA  
QVODLIBETARIIS DISPUTATIONIBVS MANE  
AGITANDA IN SCHOLIS MEDICORVM. DIE IOVIS XV.  
MENSIS DECEMBRIS MAGISTRO PETRO PHART DOCTORE MEDICO MODERATORE PRVDENTISSIMO.

*An Biliosi sanguineis solertiores?*

635.

**C**ORPV S humanum omnium temperatissimum ac morbosissimum, ex quatuor mundi elementis mixtis & contemperatis confurgit. Ignis calor summus aquæ frigore, æris summus humor terræ siccitate temperatur. His (præter tempestates & ætates) humores sunt analogi: sanguis calidus humidus æri, bilis calida siccæ igni, humor melancholicus frigidus siccus terræ, pituita frigida humida aquæ respondet. Verum humores in corporis constitutione plurimum valent, partes formant, augent, nutriunt, nec tamen omnes singuli, sed eas præsertim cum quibus maiorem habent affinitatem. Neque solum in istis eorum virtus emicat, sed in animæ quoque facultatibus & functionibus manifestè elucet, quæ pro ducto eorum imperio, variè afficiuntur.

**S**ANGVINEIS vigent potentia naturales, atque inter eas quæ altrici famulantur, vna coëtrix perfectior est quàm in cæteris temperamentis, aliæ, quàm quæ in biliosis & melancholicis cernantur, imbecilliores. Biliosi siquidem facultatem vitalem quàm omnes alij validiorem habent, cuius virtus pulsificæ, & irascibili se prodat: quarum illa pulsus omnes edit, magnum, celerem, crebrum, vehementem & cæt. inter quos solus vehemens non minùs est certus virium index, quàm vox vitæ. Hæc non aliter quàm concupiscibilis magnas in corde (communi vtriusque subiecto) perturbationes atque tumultus excitat.

**A**NIMALES potentia per totam cerebri sensus expertis, eiusdem tamen authoris, substantiam diffusæ, licet eâ potissimum in suis functionibus obeundis vtantur, magnum tamen ab humoribus & spiritibus capiunt adiumentum, quippe qui pro diuersis qualitatibus diuersa gi-gnunt affectuum, morum ac ingeniorum discrimina. Pituitosi frigidæ humenstique naturæ tardos habent cum corporis tum animi motus, quò fit vt ignavi, inertes, stupidi, in somnum proclives, atque ad res præclaras parum idonei existant.

**M**ELANCHOLICI frigidi siccæ deterioris quàm cæteri conditionis naturæ sunt pauidi, tristes, auari, diffidentes, taciturni, tardius irritantur, verum accensis seriùs deferuefcit ira: non adeò valent ingenio, quidquid sentiant qui sapientiam humori melancholico volunt esse referendam. Sanguinei calido humidoque temperamento præditi ob id longioris vitæ, res graues ac serias auer-santur, curas ablegant, sed hilares & vrbani cum sint atque dicaces, nihil magis quàm voluptates ac delicias consectantur, liberalitatis ac libertatis sunt amantes, nimumque felices essent si vis ingenij responderet corporis venustati.

**B**ILIOSI calidi siccæ veloces habent corporis & animi motus, audaces atque feroces existunt, citò flammam concipiunt, sed confestim iræ sedatur impetus. Præ cæteris ingenij subtilitate, nec non inueniendi virtute pollent. Quid mirum ergo si alii acutiores ac solertiores perhibentur? Illic enim mens expeditior est, vbi spiritus triplex concitator: illic operatur clariùs vbi humorum crassitie minùs obscuratur: illic demum solertior vbi ad inueniendum & coniciendum est accommodatior.

*Ergo Biliosi sanguineis solertiores.*

82



Proponebat Lutetiæ IOANNES FAYOLLE Marlenfis, Schol. Archi. Anno R. S. H. M. DC. XXII.

DOMINI DOCTORES DISPUTATVRI.



M. Claudius Lienard.  
M. Ioannes Dostier.  
M. Renatus Moreau.



M. Dionysius Allain.  
M. Lazarus Pena.  
M. Iacobus Cousinot.



M. Hieronymus Goulus. P.R.  
M. Henricus Blacnod. M.R.  
M. Gabriel Biart.

